

Թե այն որ դու թմրած ես՝ որ ռեյկան տաս մարդ չի գընե:

ԺԵ .

Արե՛կ որ տամ քեզ խըրատ, լօք առնում խըրատ ի քենե.

Թող թե սիրու տեր եղաք, ի՞նչ կ'ուզեն այս խալխս ի մենե:

Յորտեղ որ կանգնած տեսնուն, մատնացուց կ'անեն թե նա է.

Ագեստե մարդ ենք սպանել, կ'ասեն թե՝ Արե՛կ վըճարե:

ԺԶ .

Քունն է ընկել աչերուս, չըգիտեմ թե ի՞նչ նըշան է.

Սրտիկս ի կուման ընկաւ թե դա ինք ըզքեզ կու սիրե.

Յանցեղ որ բաժնեն ըզգառն ի մօրեն, որ դառնայ վայե,

Սրտիկս ի քո շատ սիրուդ ֆիրիա՛թ հա՛լ պա՛հիթ կու կանչե:

ԺԷ .

Սիրելիքն դուք կու լինիք, սիրելուն դամ նա կու քաշե.

Յագար վատ 'ւ աղէկ լըսե, սիրելուն երես չիքերե.

Վարդ մի անփուշ ե՛րբ եղել քան ըզփուշն որ վարդ կու բերե.

Պլպուլն ալ վարդին սիրուն զայն փշին դախրըն կու քաշե:

ԺԸ .

Այսօր ի յիս մի՛ խօսիլ, խոց ունիմ որ ինձ հերիք է.

Չարկած է չարխի նետով որ սըլա՛քըն կես նուկի է.

Առին 'ւ ի հաքիմ տարան, նա ասաց թե՝ Ապրիլու չե,

Կտրել է սրտին երակն 'ւ աչերուն արուն կու կաթե:

ԺԹ .

Ելնես դու ի ձեր տանեն եւ աչօք այնես թե սիրե՛.

Իմ սերըն մեն ի՞նչ անե երբ քո սերդ ի հետ չընկերե.

Սերն որ ի մեկեն լինի, քան զմահուն օրըն դիժար է.

Ապ՛ երբ երկուքեն լինի, քան զնուշն ու շաքարն անուշ է:

Ի .

Սըրտիկս է մալուշ եղեր՝ զիր ամեն մլքեր կու ծախե.

Խօ՛շ եար, ա՛մ, յառաջ կացիր, կա՛մ գընե կա՛մ մասլահաթ.

Ըզգինն ալ յաւով կտրե՛, որ ամեն ոչինչ չի գընե.

Դարձիր թանկ 'ւ աժան արա՛, որ ամենքլ անդեհ գայ գընե: